



SIARAN MEDIA

PENGUMUMAN ATLET KEBANGSAAN & PARA KEBANGSAAN KEJOHANAN WORLD CUP 2025

Kuala Lumpur, 30 Julai 2025 – Persekutuan Lawn Bowls Malaysia (PLBM) dengan rasminya mengumumkan barisan Atlet Kebangsaan dan Para Kebangsaan yang akan mewakili Negara ke Kejohanan World Cup 2025 yang bakal berlangsung di Arena Lawn Bowls Bukit Kiara, Kuala Lumpur, pada 4 hingga 8 November 2025.

Kejohanan berprestij ini akan menghimpunkan 12 negara terbaik dunia, termasuk Australia, Canada, England, India, Ireland, Hong Kong China, New Zealand, Scotland, Afrika Selatan, Amerika Syarikat, Wales dan Malaysia selaku tuan rumah.

MALAYSIA LAYAK SECARA MERIT

Walaupun Malaysia menjadi tuan rumah kejohanan pada edisi sulung ini, Pasukan Negara turut melayakkan diri secara merit berdasarkan kedudukan dan pencapaian cemerlang di Kejohanan Antarabangsa yang lepas. Kelayakan ini mencerminkan kekuatan sebenar Malaysia dalam Sukan Lawn Bowls, sekaligus memperkukuh reputasi negara sebagai antara kuasa besar Asia dalam arena ini.

ATLET – ATLET NEGARA

Malaysia akan mempertaruhkan gandingan berpengalaman dan terbukti cemerlang di Arena Antarabangsa:

KATEGORI LELAKI

- **MUHAMMAD SOUFI RUSLI**
- **IZZAT SHAMEER DZULKEPLE**

KATEGORI PARA LELAKI

- **MUHD. RAFI MUDA**

KATEGORI WANITA

- **EMMA FIRYANA SAROJI**
- **NURUL ALYANI JAMIL**

KATEGORI PARA WANITA

- **JARIAH ZAKARIA**

Muhammad Soufi Rusli

Muhammad Soufi merupakan atlet senior yang telah menjulang nama Malaysia di pentas dunia dengan pelbagai kejayaan membanggakan. Antara pencapaian utamanya:

- *Asian Lawn Bowls Championships*, Filipina 2025 – 2 Emas
- *Asian Lawn Bowls Championships*, Thailand 2024 – Emas & Perak
- *World Bowls Championships*, Australia 2023 – Gangsa
- *Asian Lawn Bowls Championships*, Ipoh 2023 – Emas & Gangsa
- *Asia Pacific Championships*, Australia 2019 – 2 Gangsa
- Sukan SEA 2019 – Gangsa
- Sukan SEA 2017 – Emas
- *World Cup Singles* 2017 – Perak
- *Asian Championships*, India 2017 – Emas
- *Champion of Champions* 2016 – Gangsa
- *Asian Championships*, China 2015 – 2 Emas
- *Asia Pacific*, New Zealand 2015 – Gangsa
- *Asia Pacific*, Australia 2013 – Gangsa
- *Asia Pacific*, Malaysia 2012 – Perak & Gangsa
- *Asia Pacific*, Australia 2011 – Gangsa

Nota: Muhammad Soufi Rusli merupakan satu – satunya Atlet Negara yang memenangi kesemua pingat emas (acara Singles, Pairs, Triples & Fours) bagi Kejohanan 'Asian Lawn Bowls Championships'.

Izzat Shameer Dzulkeple

Seorang lagi tonggak utama skuad kebangsaan, Izzat Shameer turut mencipta kejayaan besar sejak awal kerjayanya, menjadikan beliau antara atlet paling konsisten dalam sejarah lawn bowls Malaysia. Antara pencapaian utama:

- *Asian Lawn Bowls Championships*, Filipina 2025 – Emas & Perak
- *Asian Lawn Bowls Championships*, Thailand 2024 – Emas & Gangsa
- *World Indoor Championships*, Guernsey 2024 – Perak & Gangsa
- *World Bowls Championships*, Australia 2023 – Gangsa
- *Asian Lawn Bowls Championships*, Ipoh 2023 – Emas & Perak
- *Hong Kong International Classic* 2023 – Emas & Perak
- *Champion of Champion*, Australia 2023 – Gangsa
- *Champion of Champion*, New Zealand 2022 – Gangsa
- Sea Games 2019 - Emas
- *Asia Pacific Championships*, Australia 2019 – 2 Gangsa
- *Asian Bowls*, China 2018 - Emas & Gangsa
- Sea Games 2017 - Perak
- *World Junior Under 25*, Gold Coast 2015 – Perak
- *Asia Pacific*, New Zealand 2015 – Gangsa
- *Asia Pacific Merdeka Indoor* 2014 – Perak
- *Asia Pacific Merdeka Indoor* 2013 - Emas & Perak

Emma Firyana Saroji

Emma Firyana adalah nama besar dalam arena lawn bowls wanita yang telah banyak mengukir sejarah untuk negara. Pencapaiannya termasuk:

- *Lion City Cup*, Singapore 2025 – Emas & Perak
- *Australian Open*, Australia 2025 – Perak
- *World Indoor Championships*, Scotland 2025 – Gangsa
- *Hong Kong International Classic* 2023 – Gangsa
- Sukan SEA 2019 – Emas
- *HK International Classic* 2018 – Perak & Gangsa
- Sukan Komanwel 2018 – Emas
- *Asian Championships*, China 2018 – Emas
- Sukan SEA 2017 – Emas
- *World Champion of Champions* 2017 – Perak
- *Asia Pacific*, New Zealand 2015 – Perak & Gangsa
- *World Champion of Champions* 2015 – Emas
- Sukan Komanwel 2014 – Perak
- *Asia Pacific Merdeka Indoor* 2014 – 2 Gangsa
- *Asian Championships*, Malaysia 2012 – 2 Emas
- *World Cup Singles* 2011 – Gangsa

Nurul Alyani Jamil

Nurul Alyani pula melengkapkan senarai wakil wanita negara dalam kejohanan ini. Beliau merupakan antara pemain wanita paling konsisten pada kejohanan – kejohanan terkini, sering bergandingan dengan Emma dalam acara berpasukan dan meraih pelbagai kejayaan bersama. Pencapaiannya termasuk:

- *Lions City Cup* Singapore 2025 – 1 Emas, 1 Perak
- *Australian Open*, Gold Coast Australia 2025 – Perak
- *Asian Lawn Bowls Championships*, Filipina 2025 – 1 Emas, 1 Perak
- *Asian Lawn Bowls Championships*, Thailand 2024 – 1 Perak, 1
- *Asian Lawn Bowls Championships*, Ipoh 2023 – 2 Emas
- *World Singles Champion of Champions*, Australia 2023 – Gangsa
- *World Indoor Championships*, Australia 2023 – Gangsa
- *Asia Pacific Championship* 2019 – 2 Perak
- Sukan Sea, Filipina 2019 – Emas
- *U-25 Asia Bowls*, China 2018 – 2 Emas
- *World Singles Champion of Champions* 2018 – Perak
- Sukan Sea, Kuala Lumpur 2017 – Emas
- *U-25 Asia Bowls*, India 2017 – 1 PERAK, 1 GANGSA
- *Lions City Cup*, Singapore 2016 – EMAS

ATLET PARA KEBANGSAAN – REKOD PRESTASI TERKINI

Pasukan Malaysia turut dibarisi oleh dua Atlet Para Kebangsaan yang terpilih secara merit bagi mewakili negara ke Kejohanan World Cup 2025 — Muhd. Rafi Muda (Kategori Lelaki – B7) dan Jariah Zakaria (Kategori Wanita – B7).

Kedua-dua atlet ini dipilih berdasarkan prestasi cemerlang dalam sesi pemilihan rasmi, termasuk perlawanan simulasi kompetitif serta rekod konsisten dalam kejohanan peringkat kebangsaan. Pemilihan mereka mencerminkan komitmen dan dedikasi berterusan terhadap pembangunan sukan Para Lawn Bowls di Malaysia. Kehadiran mereka dalam Pasukan Kebangsaan bukan sahaja memberi keseimbangan kepada kontinjen negara, malah membuka peluang untuk mengangkat sukan para ke peringkat yang lebih tinggi di pentas dunia.

Muhd. Rafi Muda

Muhd. Rafi merupakan antara tonggak utama sukan Para Lawn Bowls lelaki negara yang menunjukkan konsistensi dan kecemerlangan sejak lebih sedekad. Dikenali dengan ketenangan, ketepatan strategi, serta disiplin tinggi dalam permainan, Rafi telah menempatkan dirinya sebagai antara atlet para terbaik Malaysia ketika ini.

Kejayaan beliau bermula seawal Paralimpiad Perlis 2014 apabila memenangi pingat emas dalam acara perseorangan (Singles), dan seterusnya mengulangi kejayaan serupa di Paralimpiad Sarawak 2016 serta Para Sukma Perak 2018. Dominasi beliau dalam kejohanan tempatan ini menandakan keunggulan yang konsisten sebagai pemain elit kategori B7 lelaki.

Di pentas antarabangsa, Rafi mengharumkan nama negara apabila menyumbang:

- *Thailand Open Para Lawn Bowls International Championships 2023 – Gangsa*

Rekod dan pengalaman Rafi dalam Kejohanan Kebangsaan serta Antarabangsa menjadi asas kukuh kepada pemilihannya sebagai wakil negara ke Kejohanan World Cup 2025, sekaligus membuktikan beliau layak secara merit dan berada dalam kelas tersendiri..

Jariah Zakaria

Jariah Zakaria merupakan antara Atlet Para Lawn Bowls Wanita paling berpengalaman dan berprestasi tinggi di Malaysia. Dengan pengalaman lebih dua dekad, beliau terus mengekalkan prestasi konsisten di peringkat antarabangsa dan menjadi tonggak utama Pasukan Para Kebangsaan.

Rekod Prestasi Terkini:

Sejak kemunculan awalnya di Busan FESPIC Games 2002 dengan pencapaian tempat keempat dalam acara B7 wanita, beliau terus menunjukkan peningkatan konsisten. Antara pencapaian paling membanggakan adalah apabila merangkul Pingat Emas acara perseorangan (Singles) di IPC World Bowls Championship Kuala Lumpur 2004 — satu kejayaan bersejarah buat Malaysia dalam arena sukan para.

Kejayaan demi kejayaan terus mengiringi kariernya, antaranya:

- *4th Asia Bowls for the Disabled Championship, Thailand 2024* – Emas
- *Thailand Open 2023* – Perak & Gangsa
- *Langkawi Goodwill Games, 2023* – Perak
- *Asian Para Games Hangzhou 2022* – 2 Gangsa
- *3rd Asia Disabled Bowls Championship, Johor 2022* – Perak & Gangsa
- *2nd Merlion Cup, Singapura, 2018* – Emas
- *Asian Para Games, Jakarta 2018* – Perak
- *International World Amputee & Wheelchair Sports Championship, Christchurch 2003* – Gangsa

PLBM yakin dengan gandingan mantap ini, Malaysia mampu memberikan saingan sengit dan mencipta sejarah baharu di gelanggang sendiri. Seluruh rakyat Malaysia diseru untuk memberikan sokongan padu kepada pasukan negara dalam usaha menjulang Jalur Gemilang di pentas dunia.

Demi Negara, Demi Maruah, Demi Emas!

“MALAYSIA BOLEH!”

Disediakan oleh:

PERSEKUTUAN LAWN BOWLS MALAYSIA

Tarikh: 31 Julai 2025

yz17ddd